

مستطابق

مستطابق موانع آثار جدید مع المصنوعه
قبول اولونور
درج ابدلین آثار اعاده ارتقا
نظار :

درسماندنه باب عالی جاده سنده
اداره مخصوصه
محل اداره :

دین ، فلسفه ، ادبیات ، حقوق و علوم دین باحث هفته لاق رساله در

درسماندنه نسخه بی ۵۰ پا در

قیرلادن مقوا بورو ایله کوندربیرسه سنوی
۲۰ غروش فضله آلیر

درسماندنه پوسته ایله کوندربیرسه ولایات بدلی اخذ اولونور.

تاریخ تاسیسی :
۱۱ نموز ۳۲۴

مؤسسی : ابوالعلا زین العابدین - ح . اشرف ادیب

سنه لکی	القی آیفی	درسماندنه
۶۰	۲۰	ولایتده
۸۰	۴۰	مملکت اجنبیهده
۸۰	۴۰	

ایکنجی جلد

۳۰ ربیع الآخر ۳۲۷ پنجشنبه ۷ مایس ۳۲۵

عدد : ۳۷

فريضة شكران

محافظه مشروطيت و مدافعه نعمت حريت اوغورينه جانسپارانه
صورتده چالشان قهرمانلرمزه قارشى شرعاً و عقلاً مديون بولونديغمز
حسبات مليه و تشكرات صميميه ني نه يولده عرض وايفا ايتمك و تأمين
استقبال ايچون نه طرزده داورانقي ايجاب ايدر ؟
قال الله في كتابه المجيد (واذنوا ربكم لئن شكرتم لازيدنكم ولئن
كفرتم ان عذابى لشديد)

معناى شريفى

« رب ذوالجلال الكز اعلان بيورييوركه بنم سزه بخش ايتديكم
نعمتلك قدريني بيلير ، حق شكريني ايفايه سعي ايدرسه كز اولنرى
تزييد ايدرم و اكر نعمت واحسانمه مقابل ابراز كفوان ايدرسه كز
سزى اوندن محروم قيلارم . چونكه لطف و عنايتم واسع و مديد اولديغى
كبي عذابمه شديددر . »

شكر نعمت نعمت افزون كند

كفر نعمت نعمت را دون كند

قال رسول الله صلى الله عليه وسلم (من لم يشكر الناس لم يشكر الله)
يعنى هر كيم بر نعمتلك واسطه وصولى اولان كيمسه لره تشكر ايتمزه
جناب حقهده شكر ايتمه مش اولور . [۱]

[۱] سنن ترمذيه تخریج بيوردیلان احادیث شریفدن اولوب ابو سعید
خدری رضی الله عنه دن مریددر . جامع صغیر شرحی عزیزى علیه الرحمه مقام
تعالیه شوبله ديور « زيرا انما الهیه لك ایصاله توسط ایدنلر حقنده ايفای
تشكراته دائر اوامر شرعيه واردر . بواو امره رعایت ايتمين كيمسه عاصی عد
اولونور . شكر الهیهك تمامي . حصولی ايسه هر امره اطاعت ايتمه وابسته در . »

بونكله مستبان اوليوركه هر نعمت و عاطفتدن طولاني اولا ، منع
حقيقى ، و الهب العطايا اولان جناب بارى تعالايه حمد فراوان ، ثانياً
اونعمتلك واسطه حصولى ، باعث وصولى اولان ذاته قارشى ده ايفای
شكران غایت مهم بر وظیفه دينيه اولوب مقتضاسنه رعایت نصوص
شرعيهده امر و فرمان بيورلمشدر . بو وظیفه ي ايفای ايتمينلر عندالله
مقدوح اولورلر . خيبت و خسران ايچنده قایلرلر .

بناء على ذلك بوقعه معزز و محترم اخوانمزه شانلى ، شهرتلى اردولرمزك
حرکات قهرمانانه ، مساعي عالمپسندانه سى سايه سنده بعنايه الله يکدن
نائل و مظهر اوله بيلديكمز حريت معقوله و مشروطيت مشروعه نعمت
جهانقيمتلك تشكرات مفروضه سنى ايفايه وسع و طاقتمز مساعد
بولونديغى درجه ساعى اولمقلمز وظائف قطعيه من جمله سندن معدود
اولور .

نصاب ادرا كدن ذره جه نصيبى اولان ، حیات انسانيه و سعادت
بشریه نه دن عبارت اولديغى فرق ايدن هر مرد عاقل بو نعمت عظمتلك
حق شكريني ايفادن عاجز و قاصر اولديغى اعترافه مجبوردر .

بو حقيقت ثابته ي انكاره امكان اولماديني هویدا در .
على الخصوص ۳۱ مارت حادثه فجيعة ملغشكارانه سى تاثيرات
دهشتناكى اوزرينه بزلر بوراده قربانلق قويون سورولرى مثابه سنده
بر آلاى درماندگان امت بی چاره قالمش ، منجى عالم و بادى آسایش
ام اولان مقدس اردونك استانبول جوارينه قدوم میامن ملزومى
هنكामنه قدر يالكز نعمت حريتدن دكل ، امید سلامتندن ده محروم
بولمش و اشاعه اولونان بيك درلو قتل عام و احراق بالنار كبي مدهش
خبرلك تدهيشات مهلكانه سى حسييله امواج یأس و ماتم ايچنده
بوغولمش ، كيتمش ايدك .

عزیز و مقدس دین و دولتمزك، سوکلی وطن و ملتزمك لحظه بلحظه کرداب اضمحلاله طوغری یووارلانوب سوروکنمه سی کوزلرمز اوکنده تجسم ایتکده ایدی .

« لله الحمد والمنه » بوکون بوآفات عظیمه نك كانه سندن رهایاب اوله رق کال حریتله یشایورز . بیوک بیوک تهلكه ومخاطره لری سلامتله آتلاتدق . ظالم وغشوم ، بی رحم و انصاف بر حکمدارک صولت مستبدانه سندن خلاص بوله رق محب حریت وصادق مشروطیت بر پادشاه معدلتپناه، مراحم اکتاه حضرتلرینه بیعت ایله احراز مسعودیت ایلدک که بوتون افراد عثمانیه نك محبوب القلوبی اولدقلری کبی کندیلری ده انجق دین و دولته خدمتله فخر ایتکده وبالجمله تبعه صادقه لری سرور و ابتهاجیله احراز محظوظیت بیورمقده در . (ادام الله اجلاله ابدآ سرمدا آمین) بو نعمای کرانهای سبحانی یه قارشی ایفای تشکراتدن عجزمزی اعترافده ذره مثقالی تردد ایتمز . چونکه سلامت دین و دنیا و سمادت عقبا تأمین استحصانه بوندن اعلى واسطه ، اقوی وسیله اوله ماز . آرتق مستریخ اوله لم ، عرض تشکرات ایله ایفای وظائفه چالشلم . بالاده انبا اولوندینی اوزره برنمتمک علویت و قدسیتی تقدیر ایله ادای حق شکراندن اعتراف عجز وقصور حد ذاتنده غایت مهمدر . بونکله برابر وظیفه انسانیهمزی تماماً ایفا ایده بیلیمک ایچون لسانله اعترافدن بشقه جنان وارکانده ماخلق لهنده استعمال ، هربرینه عائد وظائف استکمال اولنق لازمدر .

لسانه متعلق وظائف اعتراف نعمت وذات منعمه جاسبان ثنا وستایش ایفاسنه بذل غیرت اولدینی کبی قلب و جنان وظائفی ده اعتقاد وعلویت و اخلاص محبت ، بالجمله اعضا وارکان ایله ایفای شکرانده توجه ایدن اوامر شرعیه کال رعایت ، اقتضا ایدن هر درلو خدمات خالصانه صرف مقدرت ، خصوصات مذکورده ده تکلسادن بغایت محبانبتدن عبارت اولدینی معلومدر . امدی جناب حقه قارشی دائماً بورجلی بولوندیغمز وظائف عبادت وعبودیتی ادایه سعی و اقدام وجائب ذمتزدن اولدینی کبی بودفعه هر درلو فداکارلنی التزام ایله روم ایلی دیارندن حرکت ایدن ، عزم مردانه لری سایه سنده مهالك بی نهاییه دن سلامتیمزه ، دین و دنیاچه سعادتیمزه واسطه یکانه اولان قهرمان قرداشلرمز ، دلاور وطنداشلرمز حقنده حس حرمت بسله مک . هربرینی مرتبه لرینه کوره ثناومحمدتله یادایتمک ، قارشیلرینه چیقان کروه استبداد ایله اوغراشدقلری ، اولنرک سلاح بنی وعصیانلرینه سینه کردکلری هنکامده شهید ، مقتول ویا مجروح اولانلرینه حرمت و رعایت، ایچلرنده غلیل قالانلره وجهه سنك اولاد وعائله لرینه تقدیم هدایا وبذل مواسات صورتیه تهوین مصیبتلرینه اهتمام وغیرتده وجائب دینی ووظائف انسانیهمزدندر .

بویابده تائی وتوانی اصلا جائز دکلدرد ، والا کفران عظیم ارتکاب ایتمش اولورزکه بویله برلکیمی نه اسلامیتمز قبول ایدر ،

نه عثمانلیلغمز . حکومت سنیه نك اجرا بیوره جنی مواساتدن بشقه ملتجه فوق العاده صورتله اویچاره لرك ترفیه وتلطیف لرینه همت اولونمالیدر . هدایای شتائیده اولدینی کبی بوخصوصه ده تمیز اللر توسط ایده جك اولورسه اهالیمز دریغ همت ایتملر .

•••

متحتم عهدۀ ذمتمز بولونان فریضۀ شکرانك بوتون اقسامنی ، بوکون بالجمله افراد عثمانیان طرفندن کال جدیتله اس حرکت اتخاذ اولنسی مقتضای حال اولان وظائف مهمه یی استعید بالله (وتعاونوا علی البر والتقوی ولا تعاونوا علی الاثم والعدوان) نظم جلیلی احتوا ایتکده در .

بناء علیه بالاتفریق جنس ومذهب بوتون وطنداشلرمز کال محبت وصمیمیتله اتحاد ایده رک توصیه بیورولان بر وتقوی حقنده تعاونه دقت ، بینمزدۀ قرارگیر اولان اخوت عمومیه رعایت وحقوق انسانیه یی محافظه ایله تعدی وتجاوزدن صیانت ایدلم .

بالجمله افراد ملت بیلیرلرکه دینمه ، شریعتمز بزه دائماً عدل وانصافی بالعموم اقارب و اجانبه قارشی حسن معاشرتله اتصافی امر ، کتاب جلیلمز اثم وعدوان ، بنی وطغیانۀ تمایل وتعاوندن شدتله زجر ایتکده در .

ظلم وعدوان ارتکابیله باغیانۀ حرکتك وخامت انجمانی تصویر مقامنده (یا ایها الناس انما بغیکم علی انفسکم متاع الحیاة الدنیا) . (ولا یحیق المکر السیء الا باهله) کبی لصوص عدیده شرفقزول ایتمشدر . صلاح احوال عمومیه یی انتاج ایتک ایچون ربمز تعالی وتقدس حضرتلری بزه هر زمان بی نهاییه عبرتله ککوستر مکده در . بونلردن متنبه اوله لم . اثم وعدوانه منهمك اولان ظلمه وبغاتك کرفتار اولدقلری جزای الیملر کوزلرمز اوکنده تجسم ایتمش طورورکن اولنرک کیتدکلری راه ضلاله کیتیمه لم .

بروتقوا یه تعاون قضیه سنده حکومت سنیهمزه اطاعت ، قوانین مرعیه رعایت، تکالیف مشروعه یی وقت وزمانیه ادایه غیرت ایتکلکمزدۀ داخلدر . اکر بویله حرکت ایتیه جك اولورسه ک بوتون امور وخصوصاتمز خلل پذیر اولور . سمادت وسلامتدن محروم قالیرز ، یار واغیار نظرندۀ بد نام وپیشان اولورز .

اثم وعدوان اوزرینه تعاون فضا یخندن تماماً وارسته قالمق ایچونده خائنلرک ، منافق لرك جمله سندن تباعد ایتک، کسوة ریا ونفاق التندن یورتک ایسته دکلری افعال ملعتکارانه لرینه آلت اولمقدن صاقنمق ، اغفال و اضلال لرینه قائلماق لازمدر .

جمله مز ایشته دائماً بویله حرکت ایدلم . (ولا ترکنوا الی الذین ظلموا فتمسکم النار) نص جلیلنه رغایت و امتثال ایله ظالم و باغی اولانلره ادنی مرتبه میل کوسترمیه لم (ومن الله التوفیق) .

مناعری اسماعیل صفی